

堅

瓠

集

堅瓠補集卷之三目錄

餉茶詩

掃地詩

聽月樓

七姬廟

韓侂胄措禍

李楨像贊

養心歌

慈湖舉蚊

古雨

詞賦沙字

趙嘏

唐酒價

澆書攤飯

馬嵬

沈石田詩

子由寄詩

文信國詞

贈妓

黃華老人

芥夾書燈銘

賞梅懸燈

謁陵官假宿

劉仲修詞

孝宗孝養

詩詞偶誤

甜酒

蛙給廩

吳越分界

呂仲實詩

生同年月時

京官騎驢

咏春鶴

士人自重

飛走爲頌

京師事物對

酒館扁對

鵲橋

王荆公菊詩

飯後鐘

碧紗籠

機工善詩

西山晴雪

女帥勤王

范兆祥

鼓吹續音

鏡聽呪

元宵詞

勻面尙黃

林石逸興

儒生對句

禁城花柳

王文端雅量

謝林不纏足表

又

夢受廷杖

芙蓉別院

教學行

中峯詩戲

得句撞鐘

決僧判

西山游女

堅瓠續集卷之三

長洲石農耜人種學稼慕輯

餉茶詩

陸起顏先生

世廉

餉茶詩云瓦壺欲煖爐

烟冷汲得清泉思淪茗外環收藏動隔年
色香已散存枯梗春深穀雨正新晴屋角
鈎轉鳥美聲讀倦不禁消渴甚惟懷玉露
吸金莖山中一夜驚雷發處處春雲披綠

葉倒篋傾篋摘取歸焙來不失盧仝法蒙
君遺我小龍團絕世珍竒出草叢幽冷自
來同氣味啓封如與故人逢呼童拂拭安
折脚火候還叫細斟酌蟹眼初生雪浪翻
渟甌淺碧堪奴酪夢迴酒醒鬱無聊頰啜
愁中意亦消解道茗柯多妙理茶星燁燁
耿清宵

掃地詩

李如石先生實隱上清江作掃地詩有屋
清江上湫隘正短簷上苦蘆有漏下爬土
不平斗然狂飈起埃坵散復攢黃葉呼敗
草策策走几前兒童棄竹馬塵飯襍泥丸
念不習小勞慚負粥兩餐念不勤四體何
殊豕在圈把筆一拂埽有若風雨旋心與
手俱妙技與道俱全渙然捲霧去豁然雲
離天一切蚍蜉子驚謂何神仙擁筆捲藏

之亦何有力焉幽屏無事事聊摹一室閒

聽月樓詩

明餘姚解某館於富室爲東翁題匾於樓
以聽月顏之東翁不解先生因題一律云
百尺樓高接太清憑欄側耳甚分明碾空
尹嬸冰輪響搗藥叮噹玉杵鳴樂奏廣寒
音嫋嫋斧裁丹桂韻丁丁陡然一陣仙風
起吹落嫦娥笑語聲

七姬廟

元季兵起潘原明名元紹爲僞吳行省左丞妾七人程氏翟氏徐氏羅氏下氏彭氏段氏段年最幼王師克城段氏曰主君待吾厚願先君死以絕念慮然後六姬從之潘藁葬之東城張羽爲之傳宋克書碑藏冢中至嘉靖中碑始出土人建祠祀之名七姬廟朱雲子先生七姬塚詩鬢髻恤死

况巾幗又况妾媵及韶質潘郎有美六餘
一藝色相亞無妬嫉蘭心蕙態和且秩重
兵歷境主戰栗顧謂諸姬宜努力段姬聞
語不待畢從容躡步入幽室練巾繞項懸
玉骨六姬相繼意如壹倉皇寧具哈與襲
焚尸藏骸冢無突短碣荒園久蕪沒百五
十年方始出此事未見前朝冊田橫薦誕
稱氣激浴鐵之徒丈夫烈嗟嗟諸姬婉而

弱死義千金莫能奪一之爲甚作者七不
顯其名采風責君不見小憐后服承恩澤
重奏琵琶代王宅續命菖蒲化荆棘

韓伉胄構禍

趙汝愚藉韓伉胄力通宮掖立寧宗伉胄
所望不過節鉞劉弼從容謂汝愚曰此事
伉胄不謂無功亦須分些官職與他徐誼
亦曰伉胄異時必爲國患宜飽其欲而遠

之葉適亦曰觀仇胄意止望節鉞宜與之
朱熹亦曰宜以厚賞酬仇胄勿令預政汝
愚謂其易制皆不聽止加仇胄防禦使仇
胄大怨望遂搆汝愚之禍趙從道有詩云
慶元宰相事紛紛說着令人暗斷魂好聽
當時劉弼語分些官職乞平原羅大經詩
云齋壇一鉞底須慳坐見諸賢散似烟不
使慶元爲慶曆也由人事也由天

李楨像贊

王文恪公集載正德五年吳下大水飢率
載塗有司奉命檢災賑飢往往勞緣以爲
利予伏林下竊傷之痛之用頭巡司李楨
者領檄散財于鰥寡甚均且有惠民之言
予甚多之乃因其像贊之曰勿謂位卑其
才乃充勿謂惠小其心乃公屏盜之迹時
乃之職拯民之痛時乃之功蓋一命之士

存心於愛物則九重之仁不隔於困窮噫
彼貪濁位都顯榮受若直忘若事瘠其民
肥其躬雖日侈然蒞于上得不赧爾愧於
其中耶夫李楨不知何郡人一巡司耳得
附文恪公之文以傳誰謂廉吏不可爲乎

養心歌

說圖識餘載養心歌甚妙惜不知誰作歌
云得歲月忘歲月得歡悅忘歡悅萬事乘

除縵在天何必愁腸千萬結放心寬莫膽
窄古今興廢言可徹金谷繁華眼裏塵淮
陰事業銖頭血陶潛籬畔菊花黃范蠡湖
邊蘆月白臨潼會上膽氣雄丹陽縣裏簫
聲絕時來頑鐵有光輝運退黃金無艷色
逍遙且學聖賢心到此方知滋味別粗衣
淡飯足家常養得浮生一世拙

考此歌乃
蘇軾夫作

慈湖譽蚊

揚慈湖作夜政詩極力譽之謂其入耳肯
雅奏觸面盡深機勝於人之耳提面命蓋
以蚊爲靈於人也異哉其見乎夫蚊爲惡
物自古及今莫不惡之况譽蚊而貶人乎
慈湖主張象山之禪學一時從其學者甚
少故憤而發此言耳黃借菴驅蚊賦謂虎
可德化鱷可文驅蚊最不靈爲血肉喪軀
其借蚊以垂戒則正論矣

占雨

范石湖詩云朝霞不出門暮霞行千里今
晨日未出曉氛散如綺心疑雨再作眼轉
雲四起我豈知天道吳儂諺云爾古來占
滂沱說者類恢詭飛雲走群羊停雲浴三
豨月當天畢宿風自少女起爛石燒成香
汗磔瀾如洗逐婦鳩能拙穴居狸有智蜉
蝥強知時蜥蜴與聞計埵鳴東山鸛堂審

南柯蟻或加陰石鞭或議陽門閉或云逢
庚變或自換甲始刑鵝與象龍聚訟非一
理不如老農諺影响捷於鬼哦詩敢誇博
聊用醒午睡羅紵綸云此詩援引占兩事
甚詳諺有云日出早雨淋腦日出晏晒殺
雁又云月如掛弓少雨多風月如仰瓦不
求自下二說尙遺余欲增補二句云日占
出海時月驗仰瓦體

詞賦沙字

曹秋岳先生浴賦滿庭芳詞贈沙較書卽
賦沙字艷似淘金清還碾玉怕人喚作風
塵溪邊送約落雁故頻頻漫說愁來醉卧
赴坡坡高下鋪勻踈狂處量他一斛捏就
小腰身羞隨輕浪滾蓮花步緩軟盡無
痕怪當年叱利假借堪嗔今日誰能拘管
笑恒河自有仙真情何恨千堆白雪占穩

鳳樓春錢塘朱若干爲之序

趙韻

唐趙承祐韻頗有詩名不拘小節淮南丞
相坐贈歌者虞姦詩曰綺筵無處避梁塵
虞姦清歌日日新來值渚亭花欲盡一聲
留得滿城春後因酒失悔過以詩上盧中
丞曰葉覆清溪艷艷紅路橫秋色馬嘶風
獨攜一榼郡齋酒吟對青山憶謝公

唐朝酒價

宋真宗問臣下唐酒價幾何丁謂對以每升三十真宗曰何以知之謂引少陵速來相就飲一斗恰有三百青銅錢爲對真宗喜之後人因李太白有金尊美酒斗十千句以爲李杜同時何故所言酒價頓異客有戲噓者云太白謂美酒恐老杜不擇飲是村店厭茅柴耳然十千一斗唐人詩多

用之如白樂天共把十千沽一斗又軟美
仇家酒十千方得斗又十千一斗猶餘飲
何況官供不着錢王摩詰詩新豐美酒斗
十千崔輔國詩與酤一斗酒恰用十千錢
諷詠甚多而三百一斗惟見少陵詩當不
足以定唐酒價也但唐食貨志云德宗建
中三年禁民酤以佐軍需置肆釀酒斛收
直三千北齊盧思道嘗云長安酒賤斗酒

三百少陵引此亦未可知

澆書攤飯

陸放翁詩澆書滿飲浮蛆甕攤飯橫眠夢
蝶床東坡以晨飲爲澆書太白以午睡爲
攤飯

馬嵬

唐書謂楊貴妃縊死馬嵬路祠下以紫裯
瘞道側太真外傳謂貴妃縊馬嵬佛堂前

梨樹下裹紫裯瘞西郭外一里許道北坎
下而元人傳奇有馬踐楊妃之說真珠船
引宋人李恭賦楊妃菊詩命委馬嵬萬馬
泥爲証按楊妃菊詩見山房隨筆宋李節
所作節字恭山詩見乙集四卷首句云命
委馬嵬坡畔泥非萬馬泥亦非李恭長安
志馬嵬故城在興平縣孫景安征途記云
馬嵬人名於此築城避難然未詳何代人

沈石田詩

說圃識餘載沈石田嘗寓杭之天竺寺人
無知者因題一絕於竹云賣書賣畫出春
城着破青衫白髮生四海固無知我者空
教啼殺樹頭鶯又過武昌登黃鶴樓適有
客飲其上石田題云昔聞崔顥題詩處今
日始登黃鶴樓黃鶴已隨人去遠楚江依
舊水東流照人惟有古今月極目深悲天

地秋借問回仙舊時笛不知吹破幾番愁
大書于壁而去客見詩驚謂曰此必仙也
何不凡如此尋物色之乃知爲沈石田云

子由寄詩

辛齋詩話元祐四年八月蘇子由爲賀遼
生辰國信使子瞻有詩送之旣至遼遼人
每問大蘇學士安否子由經涿州寄詩曰
誰將家譜到燕都識底人人問大蘇莫把

聲名動蠻貊恐妨他日卧江湖子瞻得詩
次韻云羶毳年來亦甚都時聞鳩舌問三
蘇那知老病渾無用欲向君王乞鏡湖

文信國詞

詞苑叢譚文信國被執北行次信安館人
供帳甚盛信國達旦不寐題南樓令詞于
壁日雨過水明霞潮回岸帶沙葉聲寒飛
透牕紗懊恨西風吹世換又吹我落天涯

寂寞古豪華烏衣又日斜說興亡燕入誰
家只有南來無數雁和明月宿蘆花或云
此鄧光薦詞

贈妓

金陵妓諸大云生不得身到西湖死便當
埋香塚上俞羨長快其言嘗贈秦中女郎
遂偷其意云蕩舟不逐江南去死願青溪
作女郎

黃華老人

黃華老人詩招客先開四十雙人多不知
其義按元李京雲南志略云諸夸多水田
謂五畝爲一雙四十雙二百畝也又唐書
南詔傳官給田四十雙蓋二百畝也陶南
村又謂一雙爲四畝未知孰是考老人姓
王名庭筠字子端河東人善詩詞書法金
大定十六年進士負文學盛名召試館職

中選爲臺臣所阻乃卜居彰德買田隆慮
讀書黃華山寺因以爲號平生嗜古法書
品題鑒定有獨得之見世所傳雪溪堂帳
乃其所精選者也

茶夾書燈銘

程宣子茶夾銘曰石筋山脉鍾異於茶馨
含雪尺香啓雷車采之擷之收英歛華蘇
蘭薪桂雲液露芽清風兩腋玄圃盈涯晁

元咎書燈銘曰武子聚爵孫生映雪雪固
易消螢亦易滅惟茲銀缸不滅其光黃簾
綠幕永夕煌煌經史在右子集在左如或
不勤負此燈火余少嗜茶尤喜人飲今老
矣冬夜猶能擁爐翻閱書史錄此二銘以
公同好

賞梅懸燈

楊升菴少與恒忱二弟賞梅世耕堂懸掛

燈千梅枝上賦詩云疎梅懸高燈照此花
下酌只疑梅枝然不覺燈火落王浚川
相見而賞之曰此奇事奇句古今未有也
後閱趙德莊眼兒媚詞云黃昏小宴到君
家梅粉試春華暗垂素蕊橫枝疎影月淡
風斜更燒紅燭枝頭掛粉蠟闔香奩元
宵近也小園先試火樹銀花則昔人已
有此事矣

謁陵官假宿

無用閒談明謁陵各官類晚入昌平憇宿
五更祭陵公署弗能盡容各以類假宿如
兵部官則宿于衛所戶部官宿于倉司給
事中宿于劉蕢祠巒校則翰林寓宿之地
與察院相隣諸御史宿處也成化中楊學
士守陞暮抵昌平誤入察院因賦詩曰雙
眼風沙百里程敝衣瘦馬到昌平欲尋類

水先生館誤入分司御史廳導引與臺顏
盡赤將迎豸繡眼偏青只愁太史明朝奏
昨夜文星犯法星

劉仲修詞

蕤鮫詞話死平劉副使仲修效祖以才見
抑罷歸寄情詞曲小令可入元人之室如
沉醉東風云東華路塵沙滾滾玉河橋車
馬紛紛官高休羨榮命蹇須安分靠青山

緊閉柴門閒把英雄細討論能幾箇到頭
安穩又一闌云門巷外旋栽楊柳池塘中
新浴沙鷗半灣水繞村幾朵雲生岫愛村
居景致風流閒啜盧仝茗一甌醉翁意何
須在酒朝天子云景陽宮曉鐘鳴珂巷玉
驄總是南柯夢生來無分紫泥封機巧成
何用捉霧拿雲攀龍附鳳這心腸無半種
拄一條瘦筇引一箇小僮沿村曠瞧耕種

又一闕云喜碧山日親把銀魚早焚銷繳
了功名分輶車鳩杖鹿皮巾也不讓黃金
印晚景無多前程休問趁明時自在隱尋
幾箇故人圍坐在葦門嘗則把陰晴論入
小山樂府中不能辨也昭陵嘗遣中使索
其題冊呼曰念菴念菴副使別字也因賦
詩云更生雙鬢已蕭騷敢謂文章擅彩毫
過誤偶承明主問因緣不是鬱輪袍

孝宗孝養

後武林舊事中秋孝宗過德壽官上皇留
上看月曾覲進壺中天慢詞云素飈颺碧
看天襜穩送一輪明月翠水瀛壺人不到
此似世間秋別玉手瑤笙一時同色小按
霓裳疊天津橋上有人偷記新闈當日誰
幻銀橋阿瞞兒戲一笑成癡絕肯信羣仙
高宴處移下水晶宮闕雲海澄清山河影

滿桂冷吹香雪何勞玉斧金甌千古無缺
上皇欣賞賜觀孝宗亦厚賜焉

詩詞偶誤

唐明皇兄弟共五王相次薨遊至天寶間
已無存者楊太真以天寶四載入宮連昌
宮詞云百官隊仗避岐薛李義山詩云薛
王沉醉壽王醒張祐詩云聞把寧王玉笛
吹皆未之考耳岐王範以開元十四年薨

薛王業以開元二十二年薨寧王憲以開元二十九年薨

甜酒

齊民要術云勿使米過過則酒甜曰樂天詩戶大嫌甜酒蘇東坡詩酸酒如羹湯甜酒如蜜汁北山酒經云北人不善投甜所以飲多令人膈上懊懷是酒味忌甜也然梁元帝云銀駝貯山陰甜酒時復進之杜

工部詩不放香醪如蜜甜口之於味亦有不同

蛙給廩

水經註引晉中州記惠帝聞蛙鳴問官蛙私蛙太子令賈之對曰在官爲官蛙在私爲私蛙帝曰若是官蛙可給廩給廩之語政可笑晉書削而不載汪浮溪詩人間何事非戲劇鶴有乘軒蛙給廩用此

吳越分界

脚氣集春秋時吳越分界自在今日嘉興之境春秋於越敗吳于檣里檣里乃越地卽今嘉興也錢塘江乃是越地吳投子胥於江乃胥江何曾是錢塘江乃謂潮頭爲子胥怒潮吳山祀子胥主不安王荆公碑亦說錯五代僧錢塘詩云到江吳地盡隔岸越山多不知界限

呂仲實詩

閒居筆記載元中書左丞呂仲實思誠一
詩云世態炎涼總莫論雀羅曾設翟公門
慚無金玉踈親友喜有詩書教子孫桃李
競華開又落松篁含雪勁猶存任他勢利
多更變自掩柴扉咬菜根

生同年月時

竹坡詩話紹興初有退相禹永嘉獨陳用

中彥材雖隣不謂及再相有薦之者止就
部注邑連江戲作小詩云命賤安能比鉅
公偶然年月與時同只因日上爭些子笑
向連江作醉翁蓋其所生年月時適與時
宰同但日異耳

京官騎驢

眞珠船載兵部尙書綿州金獻民成化末
爲御史常騎驢朝參同列皆然草木子云

李公紀字仲修洪武間以薦爲應天府治
中作詩云五品京官亦美哉腰間銀帶象
牙牌有時街上騎驢過人道遊春去不回
今則迴不然矣

彭稱翁咏養鶴

彭稱翁咏養鶴云平生湖海意化作令威
歸似得雲中趣還同濠上非相看骨鯁立
歎息羽毛稀寧若乘軒者千秋負重議

士人目重

宋李文正公

明

云士人常使王公聞名多

而識面少太華逸民李廌云寧使王公訝
其不來無使王公厭其不去姚合亦有詩
云時過無心求富貴身閒不夢見公卿曾
有山人至都門與一尊官抗禮尊官訝其
僭問主人云此君何爲者山人輒對曰余
山人也公可謂打折麒麟腿者尊官曰山

人宜在山林譬之麒麟在郊藪則爲瑞物
入朝市亦何異搖尾乞憐之犬耶

飛走爲頌

頌人之美以飛走比况者有之不過用麟
鳳龍虎鵬鶴騏驥之類罕有以鷹犬爲美
况者然觀詩云維師尙父時維鷹揚又後
漢張表碑云仕郡爲督郵鷹撮盧擊則鷹
犬亦爲美詞今以諂媚取容者爲權門鷹

犬不幾譽之乎

京師事物對

野獲編京師人以都城內外所有作對其
最可破顏者如臭水塘對香山寺奶子府
對勇士營王姑菴對韋公寺珍珠酒對琥
珀糖單牌樓對雙塔寺象棋餅對骨牌糕
棋盤街對幡竿寺金山寺對玉河橋六科
廊對四存館文官果對孩兒茶打秋風對

撞太歲白靴枝肘對紅盔將軍誠意高香
對細心堅燭細皮薄脆對多肉餛飩椿樹
餃兒對桃花煖賣天理肥皂對地道藥材
香水混堂對醞醪酒館麻姑雙料酒對玫
瑰灌香糖舊柴炭外廠對新蓮子衙衙衙
味薏米酒對絕頂松蘿茶京城內外巡捕
營對禮部南北會同館秉筆司禮僉書太
監對帶刀散騎勳衛舍人

酒館扁對

暖姝由筆正德間朝廷開設酒館酒望云
本店發賣四時荷花高酒猶南人言蓮花
白酒也又有二扁一云天下第一酒館一
云四時應飢食店

鵲橋

淮南子有烏鵲填河成橋渡織女之說故
庾肩吾七夕詩云倩語雕凌鵲填河未可

飛宋之問云烏鵲橋邊一雁飛王建云龍
駕車懸鵲填石李商隱云星橋橫道鵲飛
廻晏叔原云鵲慵烏慢得橋遲張文潛云
靈官召集役靈鵲橫渡天河雲作橋爾雅
翼云涉秋七日烏鵲首無故皆髡相傳以
爲是日牽牛與織女會于漢東役烏鵲爲
梁以渡故毛皆脫去今七月七日絕不見
烏鵲翌日驗之鮮不髡者郎仁寶七修載

王一槐尹湖之日七夕停舟劉家溝見雲
際隱隱二條如旛非旛如龍非龍閃曜空
中當驛門數丈之上或分或續往來不定
隱隱聞萬鵲噪雜之音或時明聞一二聲
飯頃雲氣紛郁香馥滿空飄小雨數點而
散則鵲橋之說似真有之

王荊公菊詩

世傳王介甫咏菊有黃昏風雨過園林殘

菊飄零

一作吹落黃花

滿地金之句蘇子瞻續之

云秋花不比春花落憑仗

一作爲

報詩人仔細

吟因得罪介甫謫子瞻黃州菊惟黃州落

瓣子瞻見之始媿服後二句諸書又作歐

陽公事介甫聞之曰歐九不學之過也不

見楚詞云夕餐秋菊之落英乎或云詩之

訪落以落訓始落英蓋謂花始開也則介

甫之引証殆亦未之思歟

飯後鐘

飯後鐘相傳有三一作唐江陵段文昌少
以貧妻口食不給每聽曾口寺齋鐘動輒
詣飡飯寺僧厭之乃齋後扣鐘文昌後登
台座題詩曾口寺有曾遇關黎飯後鐘一
作唐王播少孤貧嘗客揚州惠照寺木蘭
院隨寺僧齋餐久之僧厭怠乃齋罷而後
扣鐘後播以重位出鎮揚州有慚媿關黎

飯後鐘之句一作宋呂蒙正未遇時讀書
於利涉寺隨僧飯僧乃齋後扣鐘蒙正亦
有慚媿闍黎飯後鐘之句事何相同若此

碧紗籠

王播出鎮揚州重遊本蘭院向之題詠皆
以碧紗籠之播繼以詩有三十年來塵拂
面而今始得碧紗籠之句宋寇萊公亦有
碧紗籠事曾與魏野同遊暎郊僧寺各有

題詠後同再至則萊公詩用碧紗籠之魏
詩塵滿從行官妓以袖拂之野詩云若得
膏將紅袖拂也應勝着碧紗籠

機工善詩

宋元詩會箋燕人何失世以織紗縠爲業
與張進忠製筆齊名失獨工詩其燕都雜
題詩云一夜春陰徹曉寒王山無奈酒杯
乾青娥知有愁多少狼藉殘粧懶對看捐

後斯贈詩云心事巢由上文章陶阮間其
爲士大夫所重如此

西山晴雪

太平樂府元無名民題西山晴雪折桂令
玉嵯峨高聳神京峭壁排銀疊石飛瓊地
成雄藩天開圖畫石列圍屏分曙色流雲
有影凍晴光老樹無聲醉眼空驚樵子歸

來簾笠青青

女帥勤王

崇正遺錄天啓中四川石砭土司女帥秦
良玉勤王召見賜綵幣羊酒御製詩旌之
曰蜀錦征袍手製成桃花馬上請長纓世
間不少奇男子誰肯沙場萬里行

范兆祥

弘治壬子江西提學副使黃仲昭試吉安
偶遺范兆祥兆祥作詩上巡按御史云兩

淚交流出漢宮琵琶聲斷戍樓空金錢買
得龍泉劍寄與君王斬畫工巡按奇其方
遂收入試是秋中第五

鼓吹續音

瞿存齋效元遺山唐詩鼓吹取宋金元三
朝律詩得一千二百首自號鼓吹續音因
題其後云騷選忘來雅道窮尙於律體見
遺風平生莫售穿楊技十載曾加刻楮功

此去未應無伯樂後來當復有揚雄吟窓
玩味韋編絕舉世宗唐恐未工

鏡聽呪

賈子說林有鏡聽呪曰並光類儷終逢協
吉法以錦囊盛古鏡向竈神勿令人見雙
手捧鏡誦呪七遍出聽人言以定吉凶又
閉目信足走七步開眼照鏡隨其所照以
合人言無不驗也又王建有鏡聽詞重重

摩娑嫁時鏡夫婿遠行憑鏡聽今聽識
禱於竈神以杓投畚中隨杓柄所向執鏡
而往謂之響卜卽鏡聽也

元宵詞

梅窓老人有阮郎歸元宵詞用回文體曰
皇州新景媚晴春春晴媚景新萬家明月
醉風清清風醉月明人遊樂樂遊人遊人
樂太平御樓神聖喜都民民都喜聖神

勻面尙黃

西神脞說婦人勻面古惟施朱傅粉而已
至六朝乃兼尙黃幽怪錄神女智瓊額黃
梁簡文帝詩同安髮裏撥異作額間黃溫
庭筠詩額黃無限夕陽山又黃印額山輕
爲塵又詞藥黃無限當山額牛嶠詞額黃
侵膩髮此額粧也北周靜帝令宮人黃眉
墨粧庭筠詩柳風吹盡眉間黃張泌詞

約殘眉理舊黃此眉粧也酉陽雜俎所
有黃星靨遠時燕俗婦人有顏色者目爲
細娘面塗黃謂爲佛粧庭筠詞臉上金霞
細李賀詩宮人正靨黃宋彭汝礪詩有女
天天稱細娘真珠絡髻面塗黃南人見怪
疑爲瘡墨吏矜誇是佛粧此則面粧也

林石逸興

蕤紋詞話燕人薛論道有林石逸興十卷

皆雜曲也其玉抱肚云神仙無分且藏身
烟村水村看白鷗撞破殘霞靠青山界斷
紅塵清風明月共三人去住悠悠一片雲
又一闕云淒涼時候聽征鴻蕭蕭過樓映
踈簾明月泠泠走空階落葉颼颼教人腸
斷淚交流屈指歸期又半秋律以元音亦
稱合作惜歲久失傳蔑有知其姓氏者

儒生對句

姚叔祥見只編載寧庶人濠怒一儒
鐵籠籠之置於後園適園中鑿池庶人
自營度因向賓從出一耦語云地中取土
加三點以成池賓從不能對儒生在籠中
應聲云囚內出人進一王而成國庶人大
悅釋之儒生自念囚內進王語識不祥少
選必追我矣因不至家而逸未幾追者果
至家儒生不可得矣

禁城花柳

唐人入朝多侈言花柳之盛五言詩如王
維柳暗百花明春深五鳳城杜甫退朝花
底散歸院柳邊迷又冉冉柳枝碧娟娟花
藥紅戴叔倫月沉宮漏靜雨濕禁花寒竇
叔向宮花一萬樹不敢舉頭看七言詩如
武平一黃鸞未解林間轉紅藥先從殿
開賈至千條弱柳垂青鎖百轉流鶯遶建

章岑參花迎劍珮星初落柳拂旌旗露未
乾杜甫香飄合殿春風轉花覆千官淑景
移錢起長樂鐘聲花外盡龍池柳色雨中
深皇甫曾曉色漸分雙闕下漏聲遙在百
花中張籍寶樹樓前分繡幙綵花廊下映
朱闌至宋猶然宣和御製官詞禁官春色
最妖妍桃李扶踈滿眼前又纔過閭門分
曲檻弄晴繁蕊麗如粧蓋自金元以來始

不復種花柳於闕下矣明於午門左右採
松葉爲棚使百官免立風露之下其制雖
善要不若植花柳之爲愈也

王文端雅量

泰和王文端行儉直在翰林三十年恭勤
不懈及位家宰益加廉慎嘗以詩寄錢塘
戴文進索畫且自序昔與文進交時嘗戲
作一聯至是十年而始成之臨川聶大年

題其後曰公愛文進之畫十年而不忘也
使以是心待天下賢士寧復有遺才哉其
語稍聞於直景奉六年諸公薦大年與史
館徵諸翰林困於譏謗卧病逆旅自度不
起投詩於直曰鏡中白髮難饒我湖上青
山欲待誰千里故人分橐少自年公論蓋
棺遲直得詩泣下曰大年欲吾銘其墓耳
未幾大年卒于旅即直銘其墓

謝禁纏足表

國朝初定鼎民間誤傳盤頭放腳之說聞
山東一詞林有臣妻先已放脚事一疏遐
邇傳誦遺笑士林近於蔡漢又先生元憲
案頭見謝禁纏足表二道附錄于左高陽
女子百拜稽首上言竊惟盛朝開泰

易俗爲先聖旨當乾后服帝衣必飭

容傳夫竊窳無取志淫環珮叶而經飾惟

期有節帝妃降于瀉涵神禹娶于塗山要
皆妙麗天然同大圭之不琢卷舒順適濯
滄海而自如自是履武興歌紹農祥於豐
水來朝作頌荒天作于岐山古典可師徽
音猶嗣逮好色之端漸啓致右容之禍旋
開飛燕仙裙馮侍郎留風不去玉環繡襖
馬嵬驛浸血猶香洛女凌波子建增綿綿
之慕潘妃貼地東昏侈步步之嬌矧夫學

舞掌中屑香室裡巧作折腰之步翻成墜
馬之粧謂習俗之日靡由矯揉之彌甚髮
膚受之父母乃敢任意損傷冠履配乎乾
坤何用匠心小大况淮西郡久屬勝朝湯
沐之舊巨跡猶傳何御樂庫每希貴家纏
頭之資寸蓮自賞豈容朝野忽分吳越抑
且洪纖強別妍媸亟嚴連坐之條并申舉
首之典永垂令甲載肅刑章歲在龍飛禎

襍承恩于厚載時逢虎變蹈舞咸沐乎弘
波燕趙佳人昔也遺世而獨立溱洧靜女
今當涉水而褰裳逐伴遊春誰印香塵之
淺連街踏月欣傳弓樣之寬從此夫人城
直可靴尖踢倒娘子軍不妨負弩前驅誠
千載之美談洵一時之韵事妾等腰慚細
柳眉遙遠山斜對銀缸偷繡半勾幫雀輕
颺翠帳鶯飛一握雙鳧第乍裊吳綾時酒

半行珠淚況久纏蜀錦莫窺雨瓣蓮花墻
裡鞦韆迎風欲墜簾前鸚鵡並架爭織自
恨束縛以終年何幸屈伸于此日鑒踊貴
屢賤之風寬仁遠屆慕胼手胝足之烈儉
朴常遵將見禁殿嬌娥粗服亂頭都好秦
宮粉黛追風躡電非難臨表不勝踴躍歡
忭之至

又

蘭陵女子百拜稽首上言竊惟四肘本無
二體痛癢相關雙跗載此一軀屈伸獨重
自炮烙開平閨閣咸縮縮如有循迫蹣跚
遍于房帷益蹙蹙而靡騁凌波微步陳思
王誇耀于賦中香屑無痕石勒氏漫矜于
床上詞客製錦鞋之頌旣窈窕而呈妍美
人擅玉趾之名更娉婷而逞艷掌中試舞
恍疑瞻柳飄來臺上留仙只恐春風吹去

咏吳女之麗形如畫宛然蟾魄一鈎傳太
真之嬌樣堪憐奚啻雀頭三寸爭羨織織
之雅步誰哀躑躑之銷魂無罪無辜群受
湯火之糜爛是矜是式難忘晝夜之呼號
不知一搦痛而徧體爲之不歡更惜十尖
損而終身于焉永廢酷深于細腰之饑虐
甚于貫耳之傷茲蓋鑒吳宮之好色亡身
不欲使怨蹄香銷而聽聲聲响屣陋齊主

之縱欲蠱禍何忍令嬌啼玉瘦而博步步
生蓮且父鞠母懷男女雖殊而天性之親
無異彼姝者子獨非人乎寧堪使之躑躅
趨趨漫聽其輦者輦而笑者笑况婦隨夫
唱琴瑟旣調而人倫之樂始生彼美淑姬
豈異人耶奚忍視其蹠躑音尺難以
扞步亦步而趨亦趨豈無妬婦頑妻以七
尺吳綾甘同斷脛之慘或有乳媵戊姆用

一升簪粉竟成滅趾之凶麝脂虎豈伊異
人紅粉狼賊夫人子世風暴矣仁者傷之
妾等智不如葵何能衛足濯無須酒已幸
舒眉每願影自思未嘗以洗垢致梁州之
敗曾捫心遐想何敢以玩子動韓老之驚
忻逢盛世幸沐深仁媿無陰麗華之穢膚
難細滑敢效徐月英之履香且溫柔醉舞
春花何須郎抱嬌歌夜月不索人扶從此

玉笋永絕裊雲咏杜牧之詩不愁跋跣
周由他芒鞋儘敢踏雪登謝安之嶺殊快
逍遙帳裡姍姍但■巨人之跡花間裊裊
莫尋幼婦之踪製就雙鳧難慳■錦繡成
四鳳敢吝多金倘有孝女從征秣馬荷戈
均感聖人之盛德若逢蕩婦赴約踰墻涉
洧亦欽天子之明威曷禁■騰奚勝雀躍
臣妾無任躡躍歡忭之至

夢受廷杖

辛齋詩話海寧查秉彝爲諸生時夢受杖
身在請室仰見一額懸天上春回四字後
任戶科給事中上疏論嚴嵩父子詔廷杖
六十謫定邊縣典史恍惚前夢因作詩云
九重天上春回日二十年前夢裏身

芙蓉別院

駒陰元記樂清趙鶴山廷松以京職出補

福寧同知暇日登州後龍首山傍麓有巨石平曠可容二三十許人鶴山披荆棘視之崖面有刻芙蓉臺三字隸古可觀因於其上闢荒建亭顏曰芙蓉別院政餘則與士紳講論民風土宜會飲于斯作芙蓉歎有云臺尚望寒江秋風淒以哀荆棘浥露華蘭桂生塵埃出水祇爲妍凝陰向誰開物情故乃爾世事良悠哉

教學行

黑蓮事略漢地差發燕京見差胡丞相贖
貨可畏下至教學行亦出銀作差發燕京
教學行有詩云教學行中要納銀生徒寥
落太清貧玉堂金馬盧景善明月清風苑
子仁李舍纜容講德子張齋恰受舞雩人
相將其告胡丞相免了之時捺殺因此可
見其賦歛之法

中峰詩戲

元僧明本學博而好滑稽嘗過蘭溪見薦
亡者呼亡妣誤爲云毗中峰笑之乃曰吾
有詩汝輩聽之遊方幸喜到蘭溪偶遇村
齋不整齊盛滿碗中糙米飯跌畚盆內臭
盞糞魑魍婆子扶材哭齷齪孩兒傍壁啼
休笑老僧不識字故將亡妣作云毗其咏
葫蘆詩見十集

得句撞鐘

南唐一詩僧賦中秋月詩云此夜一輪滿
下句不接至來秋方得句云清光何處無
喜躍半夜赴撞寺鐘城中大驚李後主擒
而訊之僧具道其事得釋

決僧判

雙漸嘗爲令入僧寺中主僧獨酌已半酣
矣因前請曰長官可同飲三杯漸怒判云

談何容易邀下官同飲三杯禮尚往來請
上人獨喫八棒

西山游女

辛齋詩話載萬歷間都中西山戒壇游女
之盛銅車不紀茶棚酒肆相接于路至有
扶妓入寺者有無名子嘲以詩云高下山
頭起佛龕往來米汁雜魚籃不因說法堅
持戒那得觀音處處參